

Universitätsbibliothek Paderborn

Brevis Institutio De Salvatri Poenitentia Peccatoris

Viexmont, Claude de

Coloniae Agr., 1725

VD18 1361598X

Quartæ partis conclusio.

[urn:nbn:de:hbz:466:1-50113](#)

**Conscientia
seipsum iu-
dicans.**

fœditatem, ut corrigas: ne tandem eam no-
lens vides, & erubescas. Mentis tuæ tribunal
ascende, & te ipsum coram te ipso constitue, sis
tibi iudex incorruptus. Atque ita constituto
cordis iudicio, adsit cogitatio accusatrix, & con-
scientia tua testis: timor Dei hoc iudicium vr-
geat, ratio iudicet, postremò pœnitentiæ acer-
bitas te cruciet: adsit dolor in contritione,
pudor in confessione, & labor in satisfactione.
Si in futuro fugere vis Dei iudicium, in præ-
senti iudica temet ipsum: si te ipsum iudicau-
ris, à Deo non iudicaberis. Si vis à Deo fu-
gere, ad ipsum fuge confitendo, non autem
peccatum tuum celando. Confiteri potes, ce-
lare non potes: vt qui manum fugere non
potes districti iudicis, per confessionem mun-
datus experiaris clementiam misericordis.

QVARTÆ PARTIS CONCLVSIO.

**Confessio-
nis vis.**

**Confessio-
nis necessi-
tas rationa-
bilis est.**

O B hæc & multa alia, quæ in hanc sen-
tentiam dici poterant, planè vides, fra-
ter charissime, quòd confessio pecca-
ta obliterat, iniustum iustificat, & animam à
morte liberat: sine qua nemo potest gratiam
Dei recuperare, & peccatorum suorum veniam
sperare. Incipe igitur à confessione ad mis-
ericordiam Dei intrare, & vt iustus sis, accu-
sator sis tui. Deus enim iustus est, qui pecca-
ta odio habet, & ea impunita non dimittit: sed
simul misericors est, qui ea pœnitenti remittit.
Seruat iustitiam in misericordia, & misericor-
diam

diam in iustitia: oportet igitur, ut Deus iustus iuste misereatur tui. Nónne autem iustum est, vt te miserum confitearis, vt ab eo misericordiam consequaris? vis peccata tibi dimitti, & peccator non vis videri?

Quid tibi prodest inclusam habere conscientiam, cùm Deum, omnium tuorum facinorum habeas testem? quicquid feceris, Deus as-
sistit, perpetuus vel minimarum cogitationum
tuarum obseruator. Et veluti dum quempiam contra nos latere in insidiis credimus, tanto
cum amplius metuimus, quanto minus cum vi-
demus, cumque eius insidias nequaquam de-
prehendimus, ubi sunt, ibi etiam eas metuimus,
ubi non sunt. Sic Creator noster (qui ubique
totus existens te aspicit, & à te aspici nequit)
tantò magis tibi metuendus est, quanto magis
inuisibilis permanet, quanto, quidue de tuis
actibus decernat, ignoras. Ibi pecca, ubi eum
esse nescis: quod si fieri non potest, quin sem-
per assistat, & omnia occulta tua videat, ma-
gna est tibi indicta necessitas recte viuendi &
probitatis, qui omnia facis ante oculos Dei
omnia cernentis, quæ si diligenter considera-
res, multa pudenda coram Deo perpetrata eru-
besceres: quæ ut ei tecta essent, per confes-
sionem detegeres, ne de iis coram eo & toto
mundo erubescere posses.

Cogitatio-
nes homi-
num Deus

Inuisibilis
Deus magis
est timen-
dus.

Igitur, frater charissime, districtissimum il-
lud examen p̄occupans in confessione p̄-
ueni iudicis faciem, ei per suum vicarium
repræsentā tuam vitam: nec homo homini,

H pec-

114 INSTITVT. AD POENITENTIAM.

peccator verearis confiteri peccatori. Confite-
re non solùm de grauibus illis peccatis, quæ
vsque adeò erubescis, sed etiam de hac eru-
bescientia, quæ diu prohibuit, ne confitereris.

Confessio-
nes superio-
res iterande.
Nunquam
Deus quem-
piam de vno
peccato
mortali ab-
soluit, quum
eadem ope-
ra de omni-
bus absolvat.

Et quia, ex quo primum cœpisti erubescere,
& peccatum mortale consulto reticere: nul-
lum peccatum tibi est remissum, Deo dimidia-
tam confessionem non accipiente, nec dimi-
diatam veniam dante: idcirco omnes tuæ con-
fessiones (si quæ ab eo tempore factæ fuerunt)
manserunt inutiles, veniæ steriles, & sine mi-
sericordia, ob idque ipsum omnia peccata mor-
talia in iis confessa rursus sunt confitenda: si
eorum omnium vis veniam consequi, & per
veram pœnitentiam tibi remitti, tandemque
æterna inferni euadere supplicia, & ad bea-
tifica illa peruenire gaudia.

Amen.

QVARTÆ PARTIS FINIS.



IN.